



Plata dla Ploania Antermëia Sant'Antone Abat

UNITÉ PASTORALA



VAL BADIA
www.unitepastorala.org

Ploian: **siur Paul Campej**
E-mail: **campei.paul@rolmail.net**

Calonia: **0474/520012**
Siur Paul: **380 7345533**

Ann C

10.02.2019 - 17.02.2019 - 5. domënia ia por l'ann

n. 11

Di á debojëgn de jënt

📖 **Is 6, 1–2a.3–8 | 1 Cor 15, 1–11 | Lc 5, 1–11**

Dal Vangele do San Lüca:

Te chël tēmp, ¹tratan che Gejù stô söla spona dl lech de Genèsaret, s'á abiné la jënt incēr ël y orô aldì la parora de Dî. ²Dailò àl odü döes barches sön spona. I pesciadus ê gnüs fora y lavâ sües rëis. ³Gejù é jü tla barca, che ê de Scimun, y l'à perié de jì n toch dancierà dala tera. Spo s'ál sentè y ti insignâ ala jënt dala barca infora. ⁴Canch'al â rové süa pordica, ti àl dit a Scimun: Va fora alaleria! Dailò sciurede ostes rëis por la pëscia! ⁵Scimun ti à respognü: Maester, i ùn laurè döta la nõt y i n'ùn pié nia. Mo sön tüa parora sciurarài fora les rëis. ⁶Chësc ài fat, y ai à pié n te' gröm de pësc, che sües rëis manaciâ da se scarzè. ⁷Porchël ti ài fat sëgn ai compagns tl'atra barca, ch'ai gniss y i daidass. Ai é gnüs, y deboriada ài implì trames les barches cina al ur, ch'ares manaciâ da jì sot. ⁸Canche Scimun Pire à odü chësc, s'ál petè jö dan i pîsc de Gejù y à dit: Signur, va demez da mè; i sun n píciadù. ⁹Deache ël y düc sü compagns ê restà imprescionà y spordüs da odëi tan de pësc ch'ai â pié; ¹⁰avisa insciö ti éra ince jüda a Iaco y a Jan, ai fis de Zebedeus, che laurâ deboriada cun Scimun. Spo ti à Gejù dit a Scimun: No te temëi! Da sëgn inant piaraste jënt. ¹¹Y ai à trat les barches sön spona, à lascè indô döt cant y ti é jüs do.



*Gnide a adorè le Signur,
i s'inchinun y i s'inslenun
dan da d'ël, nosc creatur!
Çiodiche ël é nosc Dî.*

📖 **Letöres dla 6. domënia ia por l'ann:**
ler 17, 5–8 | 1 Cor 15, 12.16–20 | Lc 6, 17.20–26

Edema liturgica dai 10.02. ai 17.02.2019

2019	Ora	Mëssa
5^a DOMÈNIA 10.02 <i>oferta por la dlijia</i>	9.30 10.00	Corona Gran Mëssa por la comunité families Winkler, Tru aniversar + Bino Turnaretscher
LÖNESC 11.02 <i>s. Maria da Lourdes</i>	7.25	s. Mëssa a onur de s. Maria da Lourdes + Pire Unterweger
MERTESC 12.02		
MERCUI 13.02	7.25	s. Mëssa di scolari ++ Paula y Carlo Rubatscher
JÖBIA 14.02 <i>ss. Ciril y Metodius</i>		
VËNDRES 15.02	7.25	s. Mëssa + Pire Mellauner
SABEDA 16.02	18.00	s. Mëssa prefestia aniversar + Giovanni Clara aniversar + Pire Campeï + Rudi Kircher
6^a DOMÈNIA 17.02 <i>oferta por la dlijia</i>	9.30 10.00	Corona Gran Mëssa por la comunité a onur de s. Antone a onur di Anglei Custodi aniversar + Tile Prousch ++ Merch y Sr. Johanna Bosco Ferdigg + Loise Castlunger Prejentaziun di Confermanc



Informaziuns y terminns

Cor AnterVoisis: Te sal bel da ciantè y da stè en compagnia? Spo vè a fa pert de nosc cor di jogn AnterVoisis. Al se fajess dèr plajèi da aldì túa bela usc te nosc cor. Lascete aldì pro Armin al nr. 3483977744 o pro Sara al nr. 3493146926 o vè a nosta proa ai 21 de forà dales 19.00 tl salf te calonia d'Antermèia bas ite.

L'Uniun di Seniores da San Martin de Tor y Antermèia inviè düc al referat dal titul „Salute e prevenzione - stile di vita ed equilibrio“ cun la D.ria Ilda Di Santis. Ara portará dant de vigni sort de consèis y informaziuns por vire te na maniera sana y equilibrada. I se incuntun en sabeda 16 de forà dales 15.00 tl salf di stödafüch a San Martin de Tor. Dedô sarál n pice buffet por sté ciamó n püch adöm a s'la cunté y ince a baié cun la referènta. Düc è inviá de cör.

Le **Sorvisc ai Jogn** chir animadusc/animadèsses pro le proiet **ISTÉ DEBORIADA 2019**. Sce t'as ligrèza da lauré cun mituns y t'os te fá na bela esperiènza te chësc ciamp tratan l'isté, spo lascete adintene pa nos. An mëss avèi arjunt la majerá ete por canche le proiet mèt man (8.7.2019). Por plü informaziuns poste se scri a info@jogn.org o se telefoné al numer 0474523070 o diretamënter a Verena 3428427430. Les domandes pó gní dades jö anter la jöbia ai 28 de forá 2019. I se confortun de te odèi!

Aste vèia da imparé n mistier nü? Este interessé/ssada da laoré tl ciamp di seniors y/o dles porsones cun handicap? Spo té l'ocajiu y scriete ite ala **formaziun a mez tèmp da operadèssa sozio-sanitara** che vègn tignida a Bornech o ala formaziun a mez tèmp da operadèssa-sozio assistenziala che vègn tignida a Porsenú. La formaziun se basa sön 550 ores de pratica y 650 ores de teoria. Les leziuns de teoria vègn tignides danmisdé 3 iadi al' edema. Les iscriziuns é davertes por porsones dai 25 agn insö, dai 01. de forá ai 15 de merz pro la scora por i laurs soziai “Hannah Arendt”. Por informaziuns plü avisa contatèia la scora por i laurs soziai “Hannah Arendt” al numer 0471 97 34 94.

Curs de ladin por prinziplanc dai 11/03 ai 06/05/19 vigni lönesc dales 19.30 ales 21.00 tl Istitut Ladin 0474 523 110 o mail: formaziun.vb@micura.it

Miliuns de vijitadus, ince tröc püri de corp y anima, vá vigni ann en pelegrinaje a Lourdes, olache dan da 160 agn – ai 11 de forá 1958 – ti è santa Maria aparida le pröm iade a Bernardette Soubirous. L'ega dla fontana che Bernardetta á scoprí canche al ti ê aparí Maria tla grota de Massa-bielle è aratada buna da varí. Al ofize de medejina a Lourdes ti él gnü comuniché da canche al è gnü metü sö, 7000 varijiuns; la dlijia ne á reconesciü 70 de chèstes schiöche miracui. En le dé de **S.Maria da Lourdes** ai 11 de forá recorda la dlijia dal 1993 incá ince le dé mondial di amará, por recordé dötes les porsones atocades da maraties.



I un porvé de vigni sort, reuniuns y sentades cun discusciuns, de beles festes y funziuns de dlijia, perié y scrit y mené fora invic ...

Nosta comunité stënta da abiné adalersch la jënt y da la motivé. „Maester, i un lauré dōta la nōt y i n’ un pié nia.“

Te chēsta situaziun é Pire ciamó n iade bun da la mēte a jí. Al fej n sforz y la vega cuntra l’esperienza de vigni pesciadú.

Sce tō le dijes, Gejú, sciurarái fora les rēis.

Sc’e tō le dijes, la proi ciamó n iade.

Sce tō le dijes, proietēi ciamó n iade danü.




Sce tō le dijes, Signur, spo á ince chēsta tūa Dlijia ciamó na poscibilité.

Spo inviunse ciamó n iade, tignunse na funziun particulara, ti jun adincuntra ai atri ch’i aratun da n’ abiné nia. Gejú ne dij nia: Al sará saurí. Gejú dij ma: „Fále!“

(Image)



Mēsses a Rina:	Dom 8.30 Dedol 19.30 Jōb 7.25 Sab 19.15 Dom 8.30
Mēsses a San Martin:	Dom 9.30 Dedol 19.30 Jōb 7.30 Sab 18.30 Dom 9.30

	11.02 - 16.02.2019	Alexia - Maximilian
	17.02.2019	Sara - Ilary - Lorenz - Joel
	16.02.2019	Verena Winkler
	17.02.2019	Guido Rives
	Les mius aodanzas por le compliagn ti fajunse a Dejacò Giuseppe (83) . Dōt le bun.	

Impressum:
Comunicaziuns:
Download:

Ploania Antermēia - redaziun Carlo Piazza
cina la jōbia sēra a carlo.piazza@hotmail.com | 0474 520044
www.unitepastorala.org | www.comun.sanmartindetor.bz.it